

近事叢殘

明清珍本小說集



近事叢殘

吳江沈 瓚子勺撰

石秀才

石世瑛者。吳江庠生也。與余同入庠。文學可觀。兼能詩古文詞。歲癸卯。太守周一梧錄考已過。石之親有爲府書吏傳言曰。今年府考甚有弊。凡生員之文佳者。皆爲他人損妬。反顛置後列。一時庠友信之。有吳煥。顧廷植輩。連名具呈于學。學據以呈縣。縣雖不申府。府公亦漸知之。大不滿吳江。不數日。府考常熟等處童生。有一生孫炬者。送子入試。闖入行馬中。驅之不出。常熟令譚公昌言怒。彼亦有冒言。譚不堪之。執以入白府公。府公責之。十外之羣生大哄。持磚石排門亂毆。內之儒童輩復應之。府公遁入廳後夾道內幸免。而考過之卷。皆破箱毀擲無遺。至貂裘銀盃之在笥者。皆盜之出。于是府公申文告亂。竟以挂冠歸。而學院申奏常熟生之間遣者幾人。是科凡常熟人俱不准鄉會試。周府公謂是非之起。由于吳江。乃并究造言具呈之人。石與續三人皆發社三年。吳顧始復而石竟以遠行失辯。未復焉。

葛賢打稅

葛賢者崑山人。以織繒賃工于郡城。辛丑六月有奸民具呈于孫稅監曰。願立新法。凡繒之出市者。每疋納銀三分。方許市。某等願効力司其事。列于富室。貸重資。行賄于稅監。計垂成。稅監已出示。行有日矣。衆織工及市繒家均苦之。莫可爲計。賢挺身曰。吾當爲首。爲吳民剿亂。相率數十人。入玄妙觀。定約曰。若輩舉動。皆視吾手中芭蕉扇所指。衆曰諾。于是先往具呈入湯某。徐某家毆殺之。繼往丁少叅元復家及富室歸某家。皆火其居。爲其出貸重資于市棍也。且禁不得掠一毫財物。又分投往閭閻二門外。凡稅官之在地方者。盡毆殺之。身往見府公曰。願得孫稅監而甘心焉。府公但以好言慰止之。不敢問。及次日衆猶不散曰。必欲得稅監乃已。於是孫召集衛軍及地方兵勇。揚兵示威以爲備。賢等亦聚衆趨稅監門。幸與兵不相遇。日暮各散。稅監得乘間護送逸去。入杭。賢乃投獄。府公問所欲。曰。夜多蚊。只求蚊帳一頂足矣。獄中人及外人之好事者。多義之。往往携酒脯勞之。無虛日。賢亦自分必死。乃奏下。竟得寬旨。至今在獄無恙。亦異數也。

繆富張思德

繆富者吳江人也。以糶糴爲業。積貲至五六萬金。有甥壻張思德依倚之。佐其出入。而思德不良。盜富之妾。富恨之。使強盜攀誣下獄。又恐其辯出也。使人實毒于食饋之。幸思德先已從他囚飽食。而所饋仍存。少頃一囚飢者從張乞得之。食遂死。獄中大譁。提牢嚴檢校申詳各上司。及思德家鳴冤。俱批吳縣檢審。富又行賄于吏件。竟不作抵。會按院審囚。摘置不送審。思德家復鳴冤于按院。改發吳江縣。劉公時俊細加審訪。乃知強盜之失主曰汪渠。徽州人也。欲窮竟其所起。而慮富行賄亂真。會有一文學友自遠來看之。留衙中數日。將往留都。臨行以此事託之。以關文投歙縣。及回關至。則汪渠素不出門。並未失盜。乃知造誣也。大恨之。富復行賄求山陰朱太常爲乃翁相公書致按院。按院欲寬之。劉公呼富謂曰。汝能出一二千金修塘。當免死。富但稱貧不應。乃謂獄卒曰。每十日一具繆富病狀來。又謂富曰。汝命在吾手。不完塘工。雖鑽求勢要無益也。富仍不悟。一日薄暮往塘上看工。意少鳩集有功叙矣。而曠然未舉也。更餘回升堂。喚富至。責三十餘。使獄卒具病故狀。富時猶在廷下。而相埋之批已下矣。富未知也。入獄。

獄卒謂飲幾杯酒好。富曰：吾素不能飲。卒曰：劉爺今夜要汝死矣。富曰：何遽如此。然則當再強飲幾杯。遂就縊。按院聞之大不樂。欲具疏叅論。劉以此乞休願改教。閉門數月。累申不得請。復強起視事。迨奉文召補南兵部。行後又將論之。而奪于公議。且有當世名公負海內望者。自遠通書當道。爲之稱賢。更有不識面無因緣而樂爲道地者。故竟免于難云。不然。是時豈特按院一人。即監院本府。皆欲甘心焉。其不入彘之彀中。不可謂非天幸也。

彬如和尚

彬如者。郡城北寺中觀音殿僧。素雖焚修而不檢。市人劉姓者。捐家資捨寺中爲修葺費。因祝髮出家。人皆信之。爭願施助。而彬如惡其出已上。又覲分施主貲。日齟齬焉。人以此皆惡之。會有庠友范某等至。不平其事。集人毆之。遂毀其居。縣巡捕官亦不能禁。從人皆反被毆。乃縣于官。而邑中貴人大姓亦多言彬如之短者。于是訟亦屈。而彬如逃外居數年。往粵中探客。死于途。人皆謂佛不佑惡人之報云。然城市聚毆。而官不能禁。訟不得直。于是有庚子打行袁壽等相毆之事。各死傷相當。遂不訟。而官府亦若不聞者。至辛丑夏。又有葛賢之事。吳人遂謂毆人

爲義舉。癸卯春。乃有生童毆府公也。履霜堅冰。豈一夕之故哉。憶周府公一梧至未久。余時養疴田間。未識面。聞其行事。任意執法。不諧人情。余曰。此公恐不免學校之禍。時周子介沈詒卿在坐。何以見之。曰。此公先任常州有名。以爲蘇不難治。不復細心詢究。又前任朱府公變元待士極優。而此公繼之。頓生崖異。人必不堪。且少年慕葛賢如聖人。必有因事思奮者。府公其當之乎。後果如吾言。

劉公築塘

蜀隆昌劉公時俊。令吾邑。以卓絕之品。行精察之政。請託不行。用法不避權貴。而小事多所縱舍。不以經懷。覈田糧。杜隱欺。平徭賦。造沿門冊。凡田畝貫址戶口。皆令民占寔報填。以備查訪。因洞悉錢糧利病。謂歲有所餘。官不盡解。民可緩征。每以入限五分爲率。又謂吳江孔道塘圯。水住來病涉。于是自捐俸及羨餘等三十餘金。勸富家宦戶等輪助。曰。義助。願就役免役而助者。曰。役助。其犯爭在官而輸者。曰。事助。南自王江涇。北抵九里塘。凡六十餘里。計費四萬餘金。其收放皆鄉紳主之。周太史道登沈孝廉正宗家兄璟與余皆先後効勞焉。功成而民不告。

近事叢殘

勞。俸哉。癸卯冬議兌米一事。謂民與軍每年爭寡多。皆于斛口起釁。以意創爲窄口之斛。冀爲永例。不意總漕參之。于是部議降俸。仍管縣事。而邦人奔走長安。惟恐失之者。固不謀而合也。憶達長安公啟云。百二十萬畝之田。從來有何人能清。數十里之塘。從來有何人能築。清不費力。築不擾民。此非明察秋毫。力舉千鈞者不能。蓋寔錄非溢美也。又吳江城小而峻。明興以來。不聞有劫盜入城。惟壬寅冬有城北塘壩毀未葺。強盜越入。劫徽商典鋪事聞。劉公率練官兵追之。竟逸去。而其舟因人衆擾亂遂覆。盜復攜其贓過別舟去。其所置之舟及舟人。與所棄餘贓頗獲焉。鞫舟人得其踪跡所向。乃盡遣捕人兵快往捕。而質其各家屬于禁中。不三日。于嘉善縣城中獲之。所得贓凡二三千金。徽典中物皆照簿查給。而餘無主名者。盡入官。其捕人所私得者不與焉。始末獲時長洲公戲謂劉曰。盜高飛遠舉。安能復獲。劉公以必獲爲期。後竟符其言。蓋因法令素行。人皆用命也。

妖書

癸卯冬京師出刊行妖書一冊。名續憂危宏議。設賓主問答之辭。大都言皇太子之位未固。聖

近事叢殘

心更有所屬等語。且指朱相公之名曰。庶首更也。朱國姓也。其言妖妄。誠寸斬不足盡其辜。乃至逼投三閣下。九卿等衙門。以及大內。聖上震怒。旨下緝事衙門。根究造書刊刻等人。累月不得。上益怒。嚴督所司。未有以應。有儼生光者。爲順天府學生員。素刁潑無賴。每能劈空造誣。要挾局騙。先是曾于鄭皇親家誑騙多。緝捕者意其能爲此事。捕至城。送錦衣衛嚴拷不承。時吳江沈詡卿。分譽以醫遊京師。往來于比部玉山王吏部士麒及郭少宗伯正域之門。三公皆鄞縣沈相公所不喜。巡城康御史丕揚逮詡卿。因檢其往來書札。得達觀上人所與書。內有指斥乘輿之語。以爲人不敬。乃并逮達觀。而他東中有于比部王吏部往復爲人求升遷等事。將并及二公。二公之門。邏卒露刃傳警。晝夜無間。會詡卿與儼生光面質。各不相認。而當事者猶欲因事以撼郭少宗伯。時郭已乞歸。守凍楊村舟中。城衛逮其長班乳母等人口。與儼生光再三并審。終難強附。儼生光亦堅執不肯服辯。九卿科道。無有能定其獄者。時御史沈公裕以爲生光故入奸。死不足惜。而聖旨嚴急。恐成縉紳之禍。乃蔽獄於生光曰。後若再有真妖書人出。吾甘與之對斬。少宰晉江李公廷機亦同聲相應。獄乃定。坐生光極刑。不一月卽處決。時又

有周錦衣者。亦以門多遊客。踪跡可疑。爲同僚王錦衣所訐奏。亦下獄嚴鞠。訊及妻孥。幸而得出。惟訴卿與達觀別送部擬罪。達觀死獄中。訴卿問口外爲民。而王于二公皆削籍歸。又訴卿被逮時。與同邑周本音叔宗俱在京。本音先事出京。而審詞中猶及之。家中喧傳。謂將累及宗黨。有其族姪應鄉居。貯水滿一大缸。酣醉其旁。命家人曰。逮捕人至。吾將乘醉即沉此缸水中。無爲受刑鞠也。至今人傳以爲笑云。然自京師來人。多言鰲生光非真爲妖書者。沈御史出差。行至江南。每見鰲生光立于其前。遂卒。久之問妖書所自起。或云中書趙士楨。然趙已死。無可究也。

陳祖臯

陳祖臯者。海寧陳太常與鄉之長子太學生也。太常爲科長時。多負謗議于世。而居卿饒于財。家僮輩怙勢販鬻。時有之。歲乙巳冬。祖臯以致祭外家。行至峽石鎮。外家乃留之。空船而返。路遇私鹽船十數支至。而巡緝指揮滿上林者適值焉。率官兵截捕之。鹽缸望祭船。知其爲陳氏主人所乘也。盡攬依之。冀其救庇。滿指揮亦知其爲陳氏船。諭兵人回權矣。忽市人相集。共擲

磚石以應鹽船。爲拒捕計。蓋市人皆鹽徒。船中人皆其親戚黨羽。而又恃陳氏之援。敢爲此舉。滿指揮坐船上。飛石正中其腦。仆船中死。於是滿之子及家屬同官之人等。徧告各衙門。且具本申奏。太常公之家。遂爲鄉閭怨家。及公差人等所殘破。祖臯逃至南京。復逮至。嚴刑鞠訊。而太常公隻身奔走。青衣草履。逢人即拜。傾其家貲之五六。猶未救于其子。竟坐私鹽拒捕殺官斬罪。久之有太常公門人等爲暴白當道。覆審翻招。似有生路。今祖臯尙在獄中。妻又死焉。悲哉。夫祖臯爲富貴公子。辛癸應試北畿。官中式。而填榜時以父之故置不用。今又無辜坐罪。無論重辟。即刑訊囚禁。備嘗苦辱。意其必死。而竟無恙。亦幸矣。其鄉人云。是日衆鹽缸。亦非太常家人。乃其弟憲副與相家人也。李代桃殤。是之謂歟。然冥冥之中。亦有莫之爲而爲者。所謂不報其人而報其人也。

文孝廉

文孝廉從龍衡山先生之曾孫。與余爲壬午同年。工詩善書。翩翩文采。足世其家。而行多不檢。好爲狹斜遊。以居間武斷爲常。家漸不給。而府縣亦厭薄之。所謂多不行。歲壬寅。其妻表弟張

吏白者。故惡少。屢犯法。又以事繫獄。父爲請求得釋。夜集于文家。文曰。吾救子而窘於用。宜有以報我。張曰。吾計之矣。有二客可令召見。至則與同杯酒。皆與張在獄中同繫而出者。故積盜也。與謀曰。東牆馮上舍家饒財少人。而地甚近。何不劫之。應曰諾。遂塗臉執械。升屋劫之。賊皆頓于文家。天明巷柵不開。而賊不得。皆于縣。捕人等知之。縣轉白于道。就其家擒之。賊械皆真。遂伏法。文與張及二客皆死于獄中。縣令乃武昌孟公集孔也。

鄭汝曠

鄭汝曠者。紹興府山陰縣憲副鄭公一麟之嗣子也。萬歷丙午。以監生應順天府鄉試。中第四名。五魁卷既刊行。有閩中監生馬顯中者。館于府治中之衙。得汝曠卷讀之。駭曰。此吾卷也。乃兼閱二三場。惟三場非是。以告治中。治中爲言于府尹。馬更自上疏訟之。言官亦爲糾正。乃執汝曠及謄錄人等。法司拷訊。其作弊之首姓錢。亦紹興人。凡爲此等事屢矣。名曰剃頭。又曰移花接木。不一而足。其子亦以此幸中鄉試。而所招在朝登科第之人。以此法由其手得中者不下十數輩。問官叱置之。不追論。而錢與鄭僅各問遣。其相從作奸。實繁有徒。皆紹興人也。亦

倖不盡究。其馬顯忠以第三場另係別卷攢切。故不填補。而直議許其就選時照舉人例與善缺云。後不及選而死。

冤鬼報官

楊化者。濟南人。以祖軍戍某衛。萬歷丙申間。告回原籍。取軍裝于族人。旣徧索盈囊而行。族人某知之。尾其後。與同行。醉以酒。擠之海濱。尸飄不知何處。盡取其囊以歸。一日有同族人妻某氏。正在家春麥。忽有所見。下碓曰。長官來了。遂爲化之言曰。同拿殺人賊。率人徑至賊家。于臥具下取所劫贓皆在。乃報官。凡府縣道等衙門審問。婦皆爲化言。縷縷致辯。繼之號泣。始終如出一口。不少變。至獄乃寢。首尾殆二三月矣。初府審時。府公疑其矯詐。乃于公座上微呼化名。計其離囚所伏處。不啻數百步。人皆不聞。而婦獨爭先應如響。以此益異之。又云初死時。於水濱遇羣神。即赴訴之。曰。吾水神不與人命事。宜往地方城隍申告。如其言乃得准理云。

張幼于

張幼于獻翼太學生。面如滿月多髯。博古能詩文。自少穎異。老益爲名士所歸。不下乃兄伯起。孝廉公。而幼于性多奇詭。好爲驚世眩俗之事。居之不疑。園中收一寡婦。與同賣漿。客至隨價多少與酒肴雜坐。紅裙白髮。相向爲樂以爲常。夜則與寡婦同寢處。時年逾七十。雖未必專爲淫慾。亦借以遣興。或云每夜露其頂。就此婦陰戶下宿。學採補不老之術。其拜客不用僮僕。以一老嫗自隨。與老醫張濂水相善。學古劉伶荷鍾之事。幼于每被酒衣異服。繞街而行。濂水又短衣荷鍤隨其後以爲樂。又濂水居常無恙時。謂所知及幼于等曰。吾百年後。若等必致祭。何不及吾在日爲之。於是約日具牲品酒醴。爲祭文述生平相與之情。及死生一致之義。僭所知群往祭之。客仍禮拜致奠讀祭文。主人南面立。仍令其子答拜畢。然後引滿舉觴。賓主共飲。以此舉自陶元亮後。古今未有也。幼于又好爲奇裝。以大紅紵製爲巾。戴之行于路。人多怪之。歲甲辰。窳婦之夫將高者。屢從幼于索其妻不得。又不與錢。夜持利刃殺幼于。并其園工等凡六七人。凶徒次日即獲正法。其未發難時。幼于之祠堂神主十數枚。無故墮擲于地。幼于以爲不祥。自伏神主前。使人持杖責己以消咎。且謝不孝。然竟不得免也。

童生聯捷

往時各省考遺材後又有欄場之試。凡省內童生願應試者。群集省下。按院委兩司官校之。大都數萬人中取二三十人。其作弊代考。一家或倩數十人投卷。名多相似。但取其一。則以身應之。得即許應科場試。間亦有中者。即不中而歸。竟准入學。後或以爲分提學之權。乃題准并委提學行之。近自萬曆庚子科。言官條陳。謂爲多弊。乃一切永遠裁革不行矣。此但各省向行之。其兩直隸自昔未有也。歲丙午。揚按臺廷筠署學政。委各道創行之。每州縣復進數人。而爲首者准應試。是年武進許鼎臣聯捷去。而鄉試者復一人。原其始乃許貴人子入學而推恩及衆。不知竟爲鼎臣聯捷地也。功名進取。有數默定。多如此者。及此公戊申歲致。嚴示不許復行。亦謂前事爲過舉。蓋亦聞人有竊議之者矣。

宜春令

沈耀者。吾邑宜春令周聲仲應備之掌家僕也。周故先恭肅公之曾孫。家饒於財。而又侈于自奉。凡衣服飲食。宮室妻妾。無不致美者。耀之妻。又聲仲內人沈之乳母女也。以故內外俱委任。

之。其妻又以色幸于主。周爲宦于外。家事大小。一以付耀。耀亦兼任不辭。沈孺人有德無材。不過倚辦于耀。食粗衣稅而已。有妾文氏者。故衛輝府同知元發女也。以失行父欲殺之。母詭稱自盡。爲盡哀殮送空棺以出。而陰付其乳媪。令不問所之嫁焉。寄居鄉人沈姓家。聲仲一見悅之。以十金娶爲妾。故知書解文義。多巧計。蠱惑主心。遂嬖之。任其所爲。先僞爲懷孕狀。使人抱他人女爲已生。以嘗聲仲。聲仲聽之。後乃又抱他人子爲子。沈孺人始欲明其事。後以聲仲言遂止。聲仲令宜春。他媵復眞生子。族人遂不復言。文氏之假子事。彰彰在人耳目。每懼人攻發之也。歲甲辰。周以入覲歸。與同年朝城令彭公宗孟偕行。至山東高唐州。聲仲中風卒。喪抵家。七供旣畢。弔奠之客亦稀。時耀先聞主喪。將主所付銀簿扯毀過半。以滅其跡。兼于已室中潛入主書房內。將所存銀兩玩好併盜之。計所匿盜不下數千金。其所扯毀之簿紙。有一二露他人目。人以此乘機索詐之。又其妹夫錢慶。隨主在任入都。往返所爲多不法。同輩以此恨之。乃互相揚言曰。主非死于病。乃中毒死耳。文氏因此使人爲匿名帖粘於墻路曰。沈耀蒸主母。令錢慶于路上毒燒主。言旣聞。有京回隨行人沈銘昌言之。其鄉居從兄弟中。又欲因事撼沈耀。

以取利者。乃大張其事。而轉罪其同胞兄弟。不即舉發者。城中族人知之。亦信以爲真。乃令遠族無賴子周卿具狀出首。而又令其同胞兄應儀亦同詞具狀告縣。縣令劉公時俊時方移疾閉門。而久聞其說。劉故喜鋤惡。又謂族人倡義合詞。此詞此舉必不謬。乃信爲實。將盡法焉。而又難予開棺檢驗。爲審案數百言。大郡言討賊事。應儀恐事不明。乃使其子文薦走朝城具狀問之。朝城爲出關文。備言在途得疾至卒。視含殮檢行裝銀兩始末狀投劉令君。而在城族中諸公。猶執爲真弒。爲匡宗鳴鼓錄討逆盟詞等書。刊布遠近。沈耀即坐事。凡乘勢恐嚇之者。皆如所欲給之。盡用主財爲已脫罪。應儀等又求邑中貴人。與令君相知者。出重貲求爲居間計。一年所費萬餘金。而侵置盜用之數不與馬。然劉令君應內召去。事竟爲疑獄。至今未結也。楊按臺錄囚審案中。雖知弒逆爲虛。而謂支費之贓銀應儀等不免因事染指。故親黨皆爲應儀危之。況錢慶旣死。沈耀背主盜匿數千金。死不足惜。耀死而周氏之訟可息也。至辛亥四月。耀死獄中。始朝城南還時。周氏兄弟子姪。宜躬造其廬百叩致謝。而乃令僕輩簪禮以行。故其過江城也。亦不親致奠。而應儀兄弟出平望舟中。叩之不數言而別。別後寓書陸文學托致之應

儀而不知文學。乃文氏甥。書竟爲文氏所匿。懼其事之早白也。後雖追出而無救于亂矣。竊謂仲文章政事。無忝名門。年纔四十五遽死。死後自非負國課。償官逋。宜免於破家。又其封君有江公多盛德。世無惡行。祇以女寵之故。十金娶文氏。而以家資之半。付異姓。家僮有恃而造無根之言。主母無故而受污讒之謗。沈耀之妻。幸而因事繫獄。盜匿支費。又去其十四五。君子作事謀始。有以也。聲仲長姊爲余結髮婦。余知之真。故備述之。

假疊陽仙子

太倉王學憲鼎爵。於瓜洲娶一婢。名曰瓜秀。學憲卒後。其家人某者。托他人名轉娶爲己妾。深藏于鄉莊。遷屋中。久之漸傳布于外。恐主知之。乃轉售于人。遂爲娼于浙中。有浙狂生某者。遊狹斜。與之狎。問知其鄉里。又能言相公家事。異之曰。子莫非卽往年所稱疊陽乎。曰是也。於是揚言于人。自稱爲王婿。且爲詩歌以彰之。遂有流言於世。可恨哉。

李安墓

李安者。常熟縣丞某之家人也。嘉靖乙卯。倭奴圍常熟。縣尹募死士。退之無應者。丞故廣西人。